

և բացի այդ՝ դրամական նպաստներ բաժանեց եկաւորներին առաջին պէտքերը հոգալու համար:

Վայսրուհին, Հայերի գաղթը դէպի Ռուսաստան քաջալերելով, չէր մոռանում մի կողմից խրախուսել այդ գործում իրեն աջակցող Յովսէփ սրբազանին. ուստի 25 մարտի 1793 ա-մի մի վեղարի խաչ պարգևեց նրան. միւս կողմից հրաւէր էր կարդում տեղական իշխանաւորներին օգնել իրեն և պատուիրում, որ իւր նոր հպատակների մասին ուշի ուշով հոգ տանեն: Այսպէս նա՝ Եկատերինոսլաւի նահանգապետի ուշադրութիւնը հրաւիրելով այդ նորեկ հայերի վրայ, 23 փետրուարի 1793 ամի հրովարտակի մէջ պատուիրում էր նրան՝ լաւից լաւ ապահովել նրանց կացութիւնը, «որպէս զի ոչ միայն մեր սահմաններն անցած հայերը պահուին, այլ և տարաշխարհում մնացող նրանց կրօնակիցները, եկաւորների բարօրութիւնը տեսնելով, գան միանան նրանց հետ»:

Եկատերինէ Վայսրուհին փութաջան իրագործող հանդիսացաւ Պետրոս Մեծի գաղափարի, որ էր կործանել մահմեդական տէրութիւնը և անկախութիւն պարգևել նորա լծի տակ ընկճուած քրիստոնէական ազգերին:

Յունական կոչուած ծրագիրը, որ այն ժամանակ զբաղեցնում էր մեծ Վայսրուհու պետական մարդոց միտքը, բովանդակում էր նաև դիտաւորութիւն վերականգնել Հայաստանի քաղաքական անկախութիւնը Ռուսիայի գերագոյն հովանաւորութեան ներքոյ: Այդ մտքին առանձնապէս համակրում էին Պատեոմկին իշխանը և Ա. Վ. Սուվորովը: Թէ ո՞րքան նրանք ջատագով էին այդ գաղափարին, կարելի է տեսնել ոչ միայն միւս պատմական արձանագրութիւններից՝ այլ և Յովսէփ արքեպիսկոպոսի յիշատակարանից: «1 յունվարի 1780 ամի», զբ-րում է նա, «ինձ մօտ եկաւ Յ. Պ. Գօրիչն և Վասպեան գաւառները նուանելու համար դէպի Պարսկաստան ձեռնարկուելիք արչաւանքի լուրը հաղորդեց. հարցրեց, թէ քաղաքներն ինչ հեռաւորութիւն ունին իրարից, թէ ո՞րքան հայոց և մահմեդական զօրք կայ Գերբենդից ու Գիլանից մինչև Թաւրիզ և այնտեղից՝ մինչև Ղարաբաղ ու Շիրվան: Ի՛նչ որ գիտէի՝ ասացի, և նա արձանագրեց».— «2 յունվարի մեզ այցելեց Գեներալ Պօ-րուչիկ Ա. Վ. Սուվորովը: Նա էլ միևնոյն խնդրի մասին շատ հարցեր առաջարկեց. հանգամանօրէն տեղեկութիւն ինդրեց Ա-